



Elvedin Sedić

Broj: 02/1-30-2919/26

Bihać, 03.06.2026. godine

Na osnovu člana 72., 73. i 75. Zakona o državnoj službi u Unsko-sanskom kantonu („Službeni glasnik Unsko-sanskog kantona“, br. 14/17 i 15/20) i člana 139., člana 140. i člana 163. Pravilnika o unutrašnjoj organizaciji („Službeni glasnik Grada Bihaća“, br. 1/25, 3/25, 11/25 i 14/25), uz prethodno pribavljenu saglasnost Službe za finansije i privredu, gradonačelnik Grada Bihaća, objavljuje

JAVNI OGLAS

za prijem namještenika u radni odnos na neodređeno vrijeme

I RADNO MJESTO:

POZICIJA 01. Referent za vatrogastvo-vatrogasac vozač u Službi za civilnu zaštitu -1 izvršilac

POZICIJA 02. Referent za vatrogastvo-vatrogasac u Službi za civilnu zaštitu - 1 izvršilac

POZICIJA 03. Viši referent za građanska stanja-matičar u Centru za pružanje usluga građanima -1 izvršilac

II OPIS POSLOVA

POZICIJA 01. Referent za vatrogastvo-vatrogasac vozač u Službi za civilnu zaštitu:

- 1) upravlja i rukuje vatrogasnim vozilima, vatrogasnim pumpama i ostalom pripadajućom vatrogasnom opremom
- 2) brine se o ispravnosti i održavanju motornog vozila i pripadajuće opreme, kao i medijima za gašenje požara (voda, pjeno, prah)
- 3) učestvuje u gašenju požara te zaštiti ljudi i materijalnih sredstava
- 4) odgovara za upotrebu lične zaštitne opreme tokom gašenja požara
- 5) učestvuje u provođenju preventivnih mjera zaštite od požara
- 6) izrađuje godišnje i polugodišnje planove i izvještaje o radu
- 7) obavlja i druge poslove iz nadležnosti Službe po nalogu neposrednog rukovodioca i pomoćnika gradonačelnika
- 8) za svoj rad neposredno odgovara starješini Profesionalne vatrogasne jedinice i pomoćniku gradonačelnika

POZICIJA 02. Referent za vatrogastvo-vatrogasac u Službi za civilnu zaštitu:

- 1) gasi požar te štiti ljude i materijalna sredstva od nastanka štetnih posljedica od požara
- 2) odgovara za upotrebu lične zaštitne opreme tokom gašenja požara
- 3) učestvuje u provođenju preventivnih mjera zaštite od požara
- 4) snabdijeva vozila medijima za gašenje nakon intervencije
- 5) odgovara za kvalitetno i blagovremeno obavljanje povjerenih poslova
- 6) izrađuje godišnje i polugodišnje planove i izvještaje o radu

- 7) obavlja i druge poslove iz nadležnosti Službe po nalogu neposrednog rukovodioca i pomoćnika gradonačelnika
- 8) za svoj rad neposredno odgovara starješini Profesionalne vatrogasne jedinice i pomoćniku gradonačelnika

POZICIJA 03. Viši referent za građanska stanja-matičar u Centru za pružanje usluga građanima -1 izvršilac

- 1) vrši upis u matične knjige zakonom određenih činjenica o rođenju, državljanstvu, sklapanju braka, smrti i druge zakonom predviđene činjenice, kao i promjene u vezi sa tim činjenicama
- 2) vodi drugi primjerak matičnih knjiga u elektronskom obliku
- 3) izdaje izvode i uvjerenja iz matičnih knjiga
- 4) obavlja poslove u vezi pripreme zaključenja braka
- 5) sastavlja smrtovnice i dostavlja ih nadležnom sudu
- 6) provodi postupak priznavanja očinstva
- 7) provodi postupak promjene prezimena za osobe kod kojih je došlo do prestanka ili poništenja braka
- 8) izrađuje i dostavlja spiskove rođene djece za upis u osnovnu školu
- 9) izrađuje statističke listiće rođenih, vjenčanih i umrlih i zbirne izvještaje o činjenicama rođenja, zaključenja braka i smrti za potrebe statističkog istraživanja
- 10) izdaje potvrde o životu, kućne liste, uvjerenja o izdržavanju članova domaćinstva i druga uvjerenja o kojima se ne vodi službena evidencija
- 11) izrađuje godišnje i polugodišnje planove i izvještaje o radu
- 12) obavlja i druge poslove iz nadležnosti Centra po nalogu neposrednog rukovodioca
- 13) za svoj rad neposredno odgovara šefu Centra

III OPĆI USLOVI KOJE KANDIDATI MORAJU ISPUNJAVATI

- a) da je državljanin Bosne i Hercegovine
- b) da je stariji od 18 godina
- c) da je zdravstveno sposoban za obavljanje poslova utvrđenih za to radno mjesto
- d) da ima odgovarajuću vrstu i stepen školske spreme
- e) da u posljednje dvije godine od dana objavljivanja javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji, odnosno Bosni i Hercegovini
- f) da nije obuhvaćen odredbom člana IX.1. Ustava Bosne i Hercegovine
- g) da se protiv njega ne vodi krivični postupak.

Lica koja su rođena poslije 1980. godine nisu dužna podnositi dokaze o ispunjavanju uslova iz tačke f).

IV POSEBNI USLOVI KOJE KANDIDATI MORAJU ISPUNJAVATI

POZICIJA 01.Referent za vatrogastvo-vatrogasac vozač u Službi za civilnu zaštitu

- 1) KV ili SSS - III ili IV stepen vatrogasnog, građevinskog, šumarskog, saobraćajnog, elektrotehničkog, mašinskog, hemijsko-tehničkog, elektromehaničarskog, mehaničarskog, automehaničarskog, bravarskog, metalostrugarskog smjera ili vozač motornog vozila
- 2) položen stručni ispit za profesionalnog vatrogasca
- 3) položen vozački ispit za vozača B i C kategorije
- 4) najmanje šest mjeseci radnog iskustva u struci nakon sticanja KV ili SSS
- 5) dokaz o psihofizičkoj i zdravstvenoj sposobnosti za vršenje poslova vatrogasca-vozača
- 6) uvjerenje o nevođenju krivičnog postupka i neosuđivanju za krivično djelo protiv života i imovine

POZICIJA 02.Referent za vatrogastvo-vatrogasac u Službi za civilnu zaštitu

- 1) KV ili SSS – III ili IV stepen vatrogasnog, građevinskog, saobraćajnog, elektrotehničkog, metalškog, mašinskog, hemijsko-tehničkog, poljoprivrednog, veterinarskog, šumarskog smjera, KV prelac, vozač motornih vozila, elektroinstalater, električar, mehaničar mašina i postrojenja, automehaničar, bravar, metalostrugar ili vodoinstalater
- 2) položen stručni ispit za profesionalnog vatrogasca
- 3) najmanje šest mjeseci radnog iskustva u struci nakon sticanja KV ili SSS
- 4) dokaz o psihofizičkoj i zdravstvenoj sposobnosti za vršenje poslova vatrogasca
- 5) uvjerenje o nevođenju krivičnog postupka i neosuđivanju za krivično djelo protiv života i imovine

POZICIJA 03.Viši referent za građanska stanja-matičar u Centru za pružanje usluga građanima

- 1) SSS-IV stepen gimnazija, prevodilačkog, ekonomskog, upravno-administrativnog ili poljoprivrednog smjera
- 2) položen stručni ispit
- 3) položen stručni ispit za matičara
- 4) najmanje deset mjeseci radnog iskustva u struci nakon sticanja SSS
- 5) poznavanje rada na računaru

V KANDIDATI SE PRIJAVLJUJU NA JAVNI OGLAS DOSTAVLJANJEM :

- a) prijave, koja treba da sadrži oznaku pozicije za koju se prijavljuje, kratku biografiju, adresu, kontakt telefon i potpis,
- b) diplome ili svjedodžbe o traženoj vrsti i stepenu stručne spreme (nostrificirana diploma ukoliko školu nije završio u Bosni i Hercegovini ili je diploma stečena u nekoj od država nastaloj raspadom SFRJ nakon 06.04.1992. godine),
- c) dokaza o traženom radnom iskustvu nakon sticanja odgovarajuće stručne spreme,
- d) dokaza o položenom stručnom ispitu za namještenike u organima državne službe (ukoliko ima, za poziciju 03.),
- e) dokaz o položenom stručnom ispitu za matičara (ukoliko ima, za poziciju 03.),
- f) dokaz o poznavanju rada na računaru (ukoliko ima, za poziciju 03.),
- g) ovjerene izjave o položenom vozačkom ispitu B i C kategorije (za poziciju 01.)
- h) dokaz o položenom stručnom ispitu za profesionalnog vatrogasca (ukoliko ima, za poziciju 01. i 02.)

Dokazi koji se podnose uz prijavu na javni oglas moraju biti u originalu ili ovjerenoj kopiji.

VI NAPOMENE ZA KANDIDATE:

Sa svim kandidatima koji ispunjavaju sve uvjete iz javnog oglasa, obaviti će se intervju, o čemu će biti blagovremeno obaviješteni.

Izabrani kandidati su dužni u roku od sedam dana od dana prijema obavještenja o izboru, dostaviti validne dokaze (original ili ovjerene kopije) o ispunjavanju općih uvjeta iz tačke II-(opći uvjeti) javnog oglasa.

Ukoliko izabrani kandidat nema položen stručni ispit za namještenike ili stručni ispit za matičara prima se u radni odnos, ali je dužan isti položiti najkasnije u roku od šest mjeseci od dana prijema u radni odnos.

Ukoliko izabrani kandidat nema položen stručni ispit za profesionalnog vatrogasca prima se u radni odnos, ali je dužan položiti stručni ispit najkasnije u roku od godinu od dana prijema u radni odnos.

Kandidat koji bude izabran u obavezi je dostaviti uvjerenje da se protiv njega ne vodi krivični postupak i uvjerenje o zdravstvenoj sposobnosti, a kandidat koji bude izabran na poziciju 01. Je, pored navedenog, u obavezi dostaviti i ovjerenu kopiju vozačke dozvole.

Izabrani kandidat koji bude primljen u radni odnos podliježe obavezi probnog rada koji traje tri mjeseca.

VII ROK TRAJANJA JAVNOG OGLASA I ADRESA NA KOJU SE PODNOSE PRIJAVE:

Javni oglas objavljuje se na web stranici Grada Bihaća i u dnevnom listu „Dnevni avaz“.

Prijava sa potrebnim dokumentima dostavlja se u roku od 15 dana od dana objave javnog oglasa na web stranici Grada Bihaća, lično ili putem preporučene pošte na adresu:

Grad Bihać „Komisija za provođenje Javnog oglasa“

Ulica Bosanska br. 4, 77000 Bihać

sa naznakom «Prijava na javni oglas – NE OTVARATI - sa naznakom pozicije».

Neblagovremene, nepotpune i neuredne prijave neće se uzimati u razmatranje.

Integralni tekst javnog oglasa možete pogledati na službenoj web stranici Grada Bihaća: www.bihac.org.

Gradonačelnik
Elvedin Sedić